



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	7/4/2012

Konsep kesederhanaan semakin diterima dunia - Najib

UM-7/4/2012

PUTRAJAYA 6 April - Datuk Seri Najib Tun Razak berkata, suara mengenai kesederhanaan semakin diterima dunia dan yang terkini di Sidang Kemuncak ASEAN di Phnom Penh apabila konsep wasatiah disambut oleh ketua kerajaan pertubuhan itu.

Menjawab satu soalan pada program al-Kuliyah di Seri Perdana petang ini, Perdana Menteri yakin penerimaan dunia terhadap konsep tersebut semakin meluas termasuk di Eropah apabila kebanyakan pemimpin di situ juga menunjukkan reaksi positif.

“Bagi cabaran kita Islam ini ialah persepsi negatif, juga tanggapan Islam adalah keganasan dan ekstrem harus diubah,” katanya.

Mengulas lanjut, Perdana Menteri berkata, beliau percaya jika Israel boleh menerima konsep kesederhanaan maka masalah kompleks antara Palestin dan Israel boleh dicari titik penyelesaian.

Mengungkap perihal wasatiah, Najib menegaskan, setiap bantuan yang diberi kepada rakyat termasuk Bantuan Rakyat 1Malaysia (BR1M) adalah dalam lingkun-

gan kemampuan kerajaan.

“Umpamanya BR1M yang cukup dapat sambutan, begitu juga RM100 baucar pelajar semuanya kita buat dalam lingkungan kemampuan.

“Ini supaya ada keseimbangan apa yang kita lakukan dan macam Tan Sri (Harussani Zakaria) cakap tadi nak buat amal jariah mesti ada lingkungan batas, jangan ada mudarat pada diri, keluarga atau negara kita,” katanya.

Perdana Menteri yang tampil ringkas berkain pelikat dan berbaju Melayu me-

nerima tetamu yang terdiri daripada kakitangan Pejabat Perdana Menteri.

Harussani yang juga Mufti Perak turut hadir pada program tersebut yang menekankan tentang tuntutan kesederhanaan dan keseimbangan dalam kehidupan seperti mana tuntutan ajaran Islam.

Selain percambahan idea, bacaan ayat-ayat suci al-Quran turut diperdengarkan bagi menambah berkat majlis ilmu itu.

Konsep wasatiah atau kesederhanaan diperkenalkan Najib dalam mengimbangi hubungan Islam dan barat.